



# EU SON FUNDACIÓN

BOLETÍN INFORMATIVO DA FUNDACIÓN BREOGÁN

## PECHE DO PROXECTO EXPERIENCIA BREOGÁN POR ESTE 2023

Pechamos as "Experiencias Breogán" polo que respecta a este ano. Unha nova temporda que adicamos a visibilizar Asociacións lucenses que traballan en prol dunha sociedade máis xusta, respectuosa e solidaria.

**PÁGINAS 4, 5, 12, 13, 14 e 15**

2ª VOLTA DO CALENDARIO DO C.B BREOGÁN 23/24

## NINGÚN ARO SEN REDE CONTINÚA A SUA ACTIVIDADE

Oito novos centros educativos sumáronse neste trimestre ao proxecto baseado na economía circular e na reciclaxe, que realizamos novamente coa Uned Lugo e Ecoballution. Moitas grazas a todos pola colaboración.

**PÁGINA 18**

## PROXECTO INICIAMOS PERSOAS, NOVA TEMPORADA

Nova temporda dun proxecto que non deixa de medrar en número de asistentes. Do mesmo xeito medra a nosa gratitud ás familias pola confianza depositada en nós e a ilusión por permitirnos ser testemuñas da evolución dos rapaces.

**PÁGINA 17**

**PÁGINA 3**





liga endesa

# TEMPADA 2023/24

LIGA REGULAR- 2<sup>A</sup> VOLTA



14XEP DOMINGO  
17:00



21XEP DOMINGO  
12:30



27XEP SÁBADO  
20:45



03FEB SÁBADO  
18:00



11FEB DOMINGO  
18:30



02MAR SÁBADO  
20:45



09MAR SÁBADO  
18:00



17MAR DOMINGO  
12:30



23MAR SÁBADO  
20:45



30MAR SÁBADO  
18:00



06ABR SÁBADO  
18:00



14ABR DOMINGO  
12:30



20ABR SÁBADO  
18:00



27ABR SÁBADO  
18:00



05MAY DOMINGO  
17:00



10MAY VENRES  
20:00

A FORZA  
DA VOSA  
PAIXON



12MAY DOMINGO  
S.C.



# Experiencia Breogán

## Asociación Cultural Fiadeira

A **ASOCIACIÓN CULTURAL FIADEIRA** foi fundada no ano 1996 por veciños do municipio de Antas de Ulla e o seu principal obxectivo dende aquela segue a ser o mesmo, visibilizar a cultura tradicional galega.

Chegounos da man da nosa empresa beneficiaria **PAZO DE VILANE**, unha empresa que comulga plenamente con estes valores e que nos permitiu comprobar que o noso rural e as fondas tradicións galegas están más que vivas grazas ao traballo deste tipo de asociacións.



# Reivindicando as nosas tradicións e o valor do rural

Para a nosa empresa benefactora PAZO DE VILANE é moi importante visibilizar o noso medio rural e poñer en valor a súa importancia para reforzar a identidade cultural do rural lucense.

Este, maniféstase a través de prácticas arraigadas, como a música tradicional, bailes e festividades locais. Estes elementos non só son expresións culturais, senón tamén vínculos comunitarios que contribúen á cohesión social.

O rural non é só unha paisaxe física, senón un testemuño vivo de valores etnográficos que moldearon a identidade local. Nos seus campos, tradicións e comunidade, atópase a esencia dun lugar onde o pasado e o presente entrelázanse, creando un legado que merece ser celebrado e preservado.

Dende a Fundación Breogán, e grazas a PAZO DE VILANE, puxemos o

noso gran de area para contribuir a esta celebración e exaltación das nosas más fondas tradicións realizando esta 3ª Experiencia Breogán do 2023.

Nela coñecimos aos membros da Asociación Cultural Fiadeira, uns rapaces e rapazas concienciados con estes valores e que buscan, a través da música e do baile tradicional, amosar ao mundo enteiro a riqueza dos nosos pobos e vilas da provincia de Lugo.





# Luz ó Deporte

## Pedro Munitis



Maria Nieto, xornalista e escritora, volveu a ser a encargada de facer un repaso da ampla trayectoria profesional do noso convidado, Pedro Munitis.

# Co traballo por bandeira

Segunda charla desta II Edición de Luz ó Deporte, un proxecto que leva a cabo a Fundación Breogán coa colaboración da Xunta de Galicia e de Abanca.

**PEDRO MUNITIS**, ex xogador profesional de fútbol e nese momento adestrador do CD Lugo, relatou a súa experiencia vital e deportiva dende o corazón, dende a verdade, sen escatimar detalles e abrindo fronte a todos os asistentes.

Os máis de 300 escolares do CIFP Politécnico, IES Xoan Montes, IES Nosa Señora dos Ollos Grandes e IES Ánxel Fole, comprobaron en primeira persoa a sinceridade coa que Pedro relatou o que pode chegar a sufrir e os erros que pode cometer un deportista de élite.

Acompañando a Salva Arco, Director da Fundación Breogán, estiveron presentes Javier Arias Fouz, Delegado Territorial da Xunta de Galicia, Zaira Dapena, Directora Territorial de Abanca, Sagrario Sánchez, Xefa Territorial de Cultura, Educación, Formación Profesional e Universidades, Enrique Rozas e Manuel Cadramón, Xefe do Servizo de Deportes da Xunta de Galicia.

Moitas grazas Pedro, un pracer escoitarte e comprobar tan de preto a túa gran empatía e sinceridade.

//ABANCA

XUNTA  
DE GALICIA

galicia





# Luz ó Deporte

## Cata Pollini



Salva Arco, Director da Fundación Breogán e Javier Arias, Delegado Territorial da Xunta de Galicia, fan entrega a Cata dun pequeno recoñecemento á súa brillante traxectoria.

XUNTA  
DE GALICIA

# Lenda do basket feminino

Na penúltima charla deste ciclo de conferencias contamos coa presenza de **CATA POLLINI**.

Cata, unha verdadeira lenda do baloncesto feminino e actual Team Manager do CB ENSINO LUGO, compartiu sabedoría e consellos sinceros que ecoaron no salón de actos do Edificio Administrativo da Xunta de Galicia. A súa experiencia na primeira liga da WNBA e o seu destacado papel no deporte convértena nunha fonte de inspiración para todos nós.

A entrevista, coordinada novamente pola escritora e xornalista María Nieto, foi enriquecedora, coa participación activa dos alumnos dos institutos Ollos Grandes, Politécnico e Xoan Montes, xunto cos seus profesores e os medios de comunicación.

Cata fixo fincapé na importancia de xogar en equipo, non só na cancha, senón en todos os aspectos da vida e que a clave para acadar o éxito é o traballo e gozar de cada intre na pista. Unha lección valiosa que nos levamos todos!

//ABANCA

XUNTA  
DE GALICIA

galicia



# Luz ó Deporte

## Veljko Mršić



A dilatada traxectoria de Veljko despertou moito interese entre o público asistente, que realizou ao técnico croata multitud de cuestiós.

Pechamos o ciclo de charlas Luz ó Deporte 2023, coa ponencia do adestrador do C.B. BREOGÁN, **VELJKO MRSIC**.

Nela, repasamos a ampla traxectoria profesional de Veljko, unha vida adicada en corpo e alma ao baloncesto, na que o traballo e a disciplina foron a clave para chegar a acadar o éxito.

O técnico croata pertence a unha das mellores xeracións de xogadores da historia de Europa. Compartiu pista con auténticas lendas do baloncesto balcánico: Toni Kukoc, Dino Radja, Stojan Vranković, Arijan Komazec, Velimir Perasović, Vladan Alanovic, Ivica Zuric, Alan Gregov, Davor Pejcincovic, Josip Vranković, Ivica Maric e co inesquecible “xenio de Šibenik”, o gran Dražen Petrović.

Tamén explicou de qué maneira viviu a guerra dos Balcanes, e como este conflicto erosionou severamente a cultura baloncestística da antiga Iugoslavia.

Rematamos deste xeito a II Edición deste proxecto que organizamos coa colaboración de **ABANCA** e da **XUNTA DE GALICIA**, e no que conseguimos chegar a máis de un milleiro de rapaces e rapazas de varios institutos lucenses e público en xeral, para amosarles a cara menos coñecida do deporte, contada polos seus protagonistas.



# *De Split a Lugo*

//ABANCA

XUNTA  
DE GALICIA

galicia

AUTOS IGLESIAS, S.

AUTOS IGLESIAS



s.t.

Morad

EMPRESAS COL

# SERIE GRAFÍA EO



# COLABORADORAS



# Experiencia Breogán

## Adace Lugo

**ADACE** é unha asociación sen ánimo de lucro, de ámbito provincial, formada por persoas afectadas de dano cerebral adquirido (DCA), as súas familias e outros colaboradores.

A entidade xurde pola necesidade existente na nosa provincia, pola falta de recursos e atención a esta problemática, e pola iniciativa de colaboradoras, afectados e familiares, que se unen cunha finalidade común, crear unha asociación para poder atender a tódalas persoas relacionadas co DCA.



# Compromiso, profesionalidade, solidaridade e responsabilidade

Tivemos o privilexio de visitar o centro de **ADACE Lugo**, onde fomos recibidos con calidez polos usuarios do grupo de tardes e o dedicado persoal do centro. En representación do C.B. Breogán, contamos coa presenza dos xogadores Toni Nakic e Anthony Polite, así como coa participación da Fundación Breogán, representada polo Director Salva Arco e Alfonso Orol, membro do padroado.

Este significativo encontro foi posible grazas ao apoio da nosa Empresa Benefactora, o **GRUPO DITRAM**, cuxos representantes, Miguel Ángel Gil Santos, Conselleiro Delegado do Grupo Ditram Automoción, e José Ramón López Armesto, Xerente de Hyundai Ditramotor, uníronse a nós.

Na segunda fase da Experiencia Breogán dedicada a ADACE Lugo, o Director da Fundación, Salva Arco, recibiu no “Fogar do C.B. Breogán” a unha representación de usuarios e traballadores desta asociación lucense. Durante o percorrido polo Pazo, os invitados

tiveron acceso a áreas que xeralmente non están abertas ao público, enriquecendo a súa experiencia con explicacións detalladas proporcionadas polo persoal, incluído o Xefe de Prensa, Marcos Fernández.

Pechamos a semana adicada a ADACE Lugo co apoio de Grupo Ditram, cunha representación de usuarios e traballadores da asociación gozando do emocionante encontro entre o C.B. Breogán e o Joventut de Badalona, que marcou a segunda vitoria da tempada para o club lucense na liga Endesa.

Na metade do xogo, o Presidente da Fundación Breogán, Narciso Fernández, acompañado por José Ramón López Armesto, Xerente de Hyundai Ditramotor, entregaron un pequeno recoñecemento a Beatriz Fernández, representante de ADACE Lugo.





# Experiencia Breogán

## Somos Upec

A derradeira Experiencia Breogán do ano estivo adicada a dar visibilidade a **SOMOS UNIDOS POR EL CÁNCER**, da man da nosa Empresa Benefactora, **TRANSPORTES VALÍN**.

Esta Asociación lucense creada no 2014, traballa para recadar fondos para a investigación do cancro e ofrecer aos seus socios atención especializada gratuita para que o aspecto económico non sexa unha preocupación.



No derradeiro "Tour do Pazo" do proxecto Experiencia Breogán deste 2023 recibimos a unha representación de **SOMOS UPEC** composta por varios membros da directiva e algúns usuarios.

O percorrido, guiado polo Director da Fundación Breogán, **Salva Arco**, percorreu as zonas máis senlleiras do templo breoganista: corredor da fama, vestiario, sala de vídeo, sala VIP, ximnasio... para rematar presenciando unha parte do adestramento do **C.B. BREOGÁN**, no que tiveron a oportunidade de compartir uns minutos de charla cos xogadores.

Foi entón cando o presidente da entidade **SOMOS Unidos por el cáncer**, José Manuel Vázquez, explicou a toda a plantilla o labor que realiza a asociación por toda a provincia de Lugo e o enorme valor que ten para a sociedade lucense.

A visita rematou coma sempre, coa foto de familia entre os xogadores e corpo técnico do C.B.Breogán e os integrantes do Tour.

Na segunda fase desta Experiencia Breogán, visitamos a planta de oncoloxía do Hospital Universitario Lucus Augusti. Salva Arco, acompañado por **Marian**, de Somos, polos xogadores do C.B. Breogán, **Sergi Quintela e Justin Anderson** e o fisioterapeuta do C.B. Breogán, **Pablo Duarte**, foron recibidos pola oncóloga **Begoña Campos** e demáis responsables do área de oncohematoloxía do Hospital lucense.

Alí coñeceron as instalacións, tanto a parte de hospitalización como o hospital de día e de pediatría e compartiron dúas horas de recorrido visitando aos pacientes que os recibiron con moita ilusión e agarimo e non deixaron pasar a oportunidade de facerse multitude de fotos cos xogadores.

E chegou o día de partido e a entrega do recoñecemento. O Director da Fundación Breogán, Salva Arco e o xerente de **TRANSPORTES VALÍN**, **Pablo Valín**, fixeron a entrega a Marian Pérez e Marta Fernández, secretaria e tesoureira da entidade respectivamente.

**Narciso Fernández**, Presidente da Fundación Breogán fixo entrega do cheque correspondente á doazón benéfica anual, que os Socios Benefactores da Fundación Breogán quixeron que fose para **SOMOS**.

Marian Pérez, secretaria da entidade e Begoña Campos, xefa de sección do Servizo de Oncoloxía do HULA e Presidenta do Comité Técnico de **SOMOS**, foron as encargadas de recoller este recoñecemento ao seu labor.



**Transportes  
VALIN E HIJOS**

[www.transportesvalin.com](http://www.transportesvalin.com)



# Máis que Basket

## NO RURAL

O cuarto Mais Que Basket No Rural da Fundación Breogán desenrolouse no **CONCELLO DE CASTRO DE REI**.

As nosas empresas benefactoras, **RÍO DE GALICIA** e **PAZO DE VILANE**, xunto co apoio e colaboración do propio Concello de Castro de Rei, permitiron á Fundación Breogán, desenrolar a cuarta parada deste ilusionante proxecto.

Os alumnos e alumnas dos **CEIP Ramón Falcón** e **Veleiro Docampo**, viviron a experiencia de realizar adestramentos de baloncesto da man dos adestradores da Fundación Breogán, dirixidos polo noso director, **Salva Arco**.

Durante ese mes de actividades tamén se lles impartiron certas nocións teóricas deste deporte, co fin de que adquirisen os fundamentos básicos.

Non quixeron deixar pasar a oportunidade de sorprender aos pequenos deportistas, dous xogadores profesionais do C.B. Breogán, **Matej Rudan** e **Anthony Polite**.

Como novidade neste 2023, visitamos a fábrica de **Río de Galicia**. Os rapaces, acompañados polos seus mestres e persoal da Fundación, viviron un día moi especial.

Coa entrega de diplomas e balóns e o *showcooking* saudable, da man da nutricionista **Marta Pérez Fandiño**, puxemos fin a este Mais Que Basket No Rural en Castro de Rei.

# Tod@s iguais, tod@s diferentes, sempre Persoas

Neste derradeiro trimestre do 2023 continuaron os adestramentos do **PROXECTO PERSOAS** como cada semana na pista principal do Pazo dos Deportes de Lugo.

Un proxecto que a Fundación Breogán realiza co apoio da **Excma. Deputación de Lugo**, da **Universidade de Santiago de Compostela**, **Adace Lugo**, **Afalu Alzheimer Lugo** e **Raiolas Lugo**.

Cada canastra é unha vitoria sobre os desafíos, cada tiro é un recordatorio de que non hai obstáculo demasiado grande.

Cada semana, estes rapaces e rapazas, amósannos que, con determinación e traballo, podemos convertir cada dificultade nunha oportunidade de anotar unha tripla na nosa propia historia.



Na inauguración da segunda temporda do Proxecto Persoas contamos ca presenza de Efrén Castro, Vicepresidente e Deputado de Deportes da Deputación de Lugo, que xunto co Director da Fundación, Salva Arco quixeron poñer en valor a importancia deste proxecto e agradecer a confianza das familias un ano máis. Na parte final recibimos dúas visitas moi especiais, Erik Quintela, xogador do C.B. Breogán, e Tito Díaz, Director Xeral do C.B. Breogán.





Logo do éxito de participación do curso pasado, iniciamos o 23/24 de **NINGÚN ARO SEN REDE** visitando neste trimestre 8 centros educativos de Lugo capital e provincia.

O proxecto da Fundación Breogán, en colaboración coa **UNED Lugo** e **Ecoballution**, nace dunha idea moi sinxela, acadar as sinerxias precisas para proveer a aqueles centros escolares que así o demanden de redes de baloncesto artesanais, recicladas e sostibles.

Continuamos a contribuir a mellorar a nosa sociedade. Primeiro concienciando aos máis novos, que son o noso futuro, da importancia da práctica deportiva e de levar unha vida sa. E segundo, de demostrarlles que é posible facelo coidando do noso entorno, do medio ambiente e aprendéndolles a importancia de reciclar, reutilizar e dun consumo responsable.

# Fundación Breogán Xuncas Diversia

No mes de decembro finalizou a colaboración da Fundación Breogán co equipo de baloncesto adaptado en cadeira de rodas **FUNDACIÓN BREOGÁN XUNCAS DIVERSIA**. E non podemos estar máis orgullosos do camiño percorrido xunto con Xuncas Diversia durante este tempo. Foron 10 meses de moito traballo, implicación e de ser testemuñas dunha progresión inimaxinable cando iniciamos esta andaina. Quixemos dotar ao equipo dunha estrutura, tanto a nivel organizativo como económica sólida, darréle a visibilidade que merece e sentar as bases dun proxecto de futuro.

Agora toca despedirnos desta etapa, pero a continuidade do equipo está garantida e cremos fermemente no potencial e na forza dos seus compoñentes. Porque non só se creou un equipo de baloncesto, durante este tempo formouse unha pequena familia que vai moito máis alá do deporte. Unha familia onde todos teñen cabida e onde todos son importantes.



Agradecemos a cada membro do equipo a súa dedicación, esforzo, entrega e ilusión, aos adestradores **Karol Szulc** e **José Manuel Teijido**, posto que sen a súa implicación e coñecemento sobre este deporte nada disto sería posible, e tamén agradecemos a Xuncas Diversia que nos permitise ser parte dun proxecto tan fermoso, necesario e útil para a nosa sociedade.

O futuro do equipo é brillante, e desexámoslle todo o éxito nesta nova fase. Nós, seguiremos apoiando tódalas iniciativas que fagan un mundo máis xusto e onde todos teñamos as mesmas oportunidades, e, por suposto, seguiremos estando ao voso carón cando sexa necesario.

# MINICOPA acb endesa

TARRAGONA  
6 7 8 DECEMBER

Por terceiro ano consecutivo, unha selección de xogadores de categoría infantil, procedentes dos clubs de baloncesto lugeses con categoría de formación, representaron á Fundación Breogán e ao Club Baloncesto Breogán na fase previa da Mini Copa Endesa da Liga ACB.

Este torneo, o máis prestixioso a nivel nacional, disputouse do 6 ao 8 de decembro de 2023, na localidade de Tarragona.

Dende a Fundación Breogán non podemos estar máis orgullosos da participación dos nosos rapaces, xa que foron un exemplo de competitividade, deportividate e boa educación, representando ao máis alto nivel os valores que promovemos dende a Fundación.





Pola nosa banda tan só lles podemos dar as grazas, a eles e ao corpo técnico, por permitirnos vivir ao seu carón esta experiencia única e tan relevante para o baloncesto license e para a provincia de Lugo en xeral.

Tamén queremos agradecer aos familiares dos xogadores desprazados en Tarragona o seu apoio constante antes, durante e despois dos encontros. Sen dúbida, a "mini marea celeste" volveu deixar unha fonda pegada entre tódolos afeccionados ao baloncesto de España.



# EU SON FUNDACIÓN

BOLETÍN INFORMATIVO DA FUNDACIÓN BREOGÁN

Se desexas formar parte da **FUNDACIÓN BREOGÁN**, tanto como empresa ou socio benefactor e ser partícipe de tódolos nosos proxectos, tes a opción de unirte a nós en [www.fundacionbreogan.org](http://www.fundacionbreogan.org).

Creamos firmemente no deporte como ferramenta de transformación social, contribuindo así a unha sociedade máis xusta, integradora e onde os máis novos sexan educados na base de valores como o esforzo, superación, perseverancia, igualdade, respeto, deportivididade, solidariedade, etc. Sé parte do cambio e da con nós *O seguinte paso no sentimento breoganista.*

